



Radunonza generala 2023

Sonda, ils 18 da mars 2023

Ustria Buffet dalla Staziun, Sedrun

Tractanda 1: Beinvegni

La presidenta Nicole Solèr fa a tuttas presentas in cordial beinvegni. Schau perstgisar han Sonja Decurtins, Nicoletta Marino, Gebharda Berther, Larissa Deppeler, Luzia Cavegn e Nicolina Cathomen-Giossi. L'invitaziun alla radunonza generala e la gliesta da tractandas ha la suprastonza farmess tier per posta. La presidenta lai circular la gliesta da presenza e la gliesta da gidontras.

Tractanda 2: Elecziun d'ina dumbravuschs

La presidenta Nicole propona la Nicole Giossi sco dumbravuschs. Ella vegn elegida cun in applaus.

Tractanda 3: Approbaziun dil protocol

Il protocol dalla davosa radunonza generala era publica sin la pagina d'internet. Persunas che han buca access agl internet, han giu la pusseivladad da prender investa en quel sin banca tier la cassiera Jeannette. La presidenta damonda, sche enzatgi hagi damondas ni giavischs per midadas, quei ch'ei buca il cass. La presidenta supplichescha d'approbar il protocol cun tener si il maun. Il potocol vegn approbaus unanimamein.

Tractanda 4: Rapport annual dalla presidenta

La presidenta Nicole prelegia siu rapport annunal. Ins sa prender investa en quel silla pagina d'internet dall'union. Ultra da quei eis el allegaus a quei protocol ni ch'ins sa preder investa tier la Jeannette sin la banca Raiffeisen.

Tractanda 5: Rendaquen dalla cassiera e rapport dallas revisuras

La survesta dil quen annunal vegn presentada dalla cassiera Jeannette.

Il quen siara cun in deficit da 1'485 francs, quei cunzun muort il viadi dall'uniun el Tessin. Il quen ei allegaus a quei protocol.

Cunquei che negin ha damondas pertuccont il quen, surdat la cassiera il plaid allas revisuras Irena Monn e Nicole Degonda che han controllau il quen. Tut ils mussaments ein avon maun ed il quen ei vegnius menaus fetg bein. Ellas supplicheschan la radunonza generala d'approbar il quen ed engranzian alla cassiera per sia grondiusa lavur.

Il quen vegn approbaus unanimamein.

Tractanda 6: Fixar la contribuziun annuala

La suprastonza fa la proposta da schar la contribuziun annuala sin 25 francs ad onn. La radunonza generala ei d'accord unanimamein cun quella proposta.

Tractanda 7: Elecziuns e reelecziuns

La Lea Berther ha demissiunau sco actuara. La presidenta engrazia ad ella per siu engaschi durant ils davos treis onns.

Sco successura ha la suprastonza anflau la Nicolina Cathomen-Giossi. Naturalmein han las presentas era la pusseivladad da far autras propostas, quei ei denton buca il cass. Aschia recamonda la presidenta d'eleger la Nicolina sco nova actuara. La radunonza generala elegia unanimamein la Nicolina.

Tenor las statutas dall'uniun ei il cuoz d'uffeci atgnamein limitaus sin otg onns. La radunonza generala sa denton decider ina prolungaziun dil cuoz d'uffeci. La cassiera Jeannette Derungs ei gia stada otg onns en uffeci, ella stat denton vinavon a disposiziun. La presidenta recamonda da reelegger ella. Era la Jeannette vegn reelegida unanimamein.

Vinavon sto la radunonza reelegger la presidenta Nicole Solèr. L'actuara Lea recamonda da reelegger la presidenta actuala. Era la Nicole vegn reelegida unanimamein.

Vinavon sto la radunonza reelegger l'assesura Petra Schmid. La presidenta recamonda da reelegger ella. Era la Petra vegn reelegida unanimamein.

E sco finiziun ha la radunonza da reelegger Irena Monn sco revisura. Era cheu propona la presidenta da reelegger ella. Era la Irena vegn reelegida unanimamein.

Tractanda 8: Program da lavur

Ils suentermiezdis da dar troccas e las seras da giugs vegnan menadas atras vinavon meinsilmein cun ina pausa durant la stad. Las datas san ins anflar sin la pagina d'internet. Dapi il schaner meina l'uniun atras las seras da giugs mintgamai mesjamna suentermiezdi, aschi che era affons san preder part a quella purschida.

Vinavon surpren l'uniun l'organisaziun da cuors da lungatg, actualmein dus cuors da tudestg e sunter las vacanzas da stad la continuaziun dil cuors da romontsch. Entochen la stad organisescha l'uniun aunc in'occurenza da far lieurs da Pastgas per affons da scola, in cuors da far paun per carschi ed ornescha e venda las candeilas da Pastgas.

Sunter las vacanzas da stad pren l'uniun part alla fiasta dil vitg a Rueras. La fiera da Nadal ha uonn puspei liug a Sedrun ed avon Nadal porscha l'uniun puspei in suentermiezdi per affons da scola per zambergiar regals da Nadal.

Tractanda 9: Varia

La Nicole Giossi engrazia el num dalla suprastonza communal a la suprastonza dall'uniun per la lavur prestada.

Sco engraziament per lur agid survegnan differentas gidontras in matg flurs.

La presidenta engrazia per la participaziun e l'attenziun e siara la radunonza.

Surrein, ils 24 da mars 2023

Lea Berther, actuara



Nicole Solèr, presidenta



Preziadas commembras

Igl onn 2022 ha entschiet sco igl onn 2021 tut ruasseivel e senza perspectiva sin ina occurenza.

Enteifer la suprastonza havein nus giu sis sesidas.

Margrith Cavegn, Ursula Deplazes ed Imelda Monn han menau atras l'oraziun mundiala ils 5 da mars en favur dall'Engheltiara, Wals e l'Irlanda dil nord en baselgia. Engraziel fetg ad ellas per quella lavur.

Ils 11 da mars essan nus dalla suprastonza stadas comunablamein cun la Sonja a tscheina el hotel Cresta. La Sonja ei responsabla per ils suentermiezdis da troccas.

Ils 19 da mars havein nus menau atras la radunozza generala el hotel La Cruna. Nus havein relaschau la Katrin Mirocha sco assessura ed elegiu daniev la Maria Santos.

La Sonja Decurtins ha menau atras 10 gadas il suentermiezdi da troccas per nus. Igl ei stau l'emprema gada che nus havein organisau ils suentermiezdis da troccas era durant la stad. In grond engraziament alla Sonja per sia lavur.

Per las candeilas da Pastgas hiel jeu creau il motiv sin las candeilas. Cun mias bunas gidontras havein nus ornau durant dus dis las candeilas. Engraziel per vies agid.

Ils 6 d'avrel ha la Petra organisau da far lieurs da pastgas. Durant che las lieurs era en fuorn, havein nus fatg giugs cun ils affons.

Ils 12' avrel ha la Cornelia Berther per nus organisau in cuors da da zambergiar in canaster da flurs.

Ils 22' avrel havein nus organisau in cuors da Handlettering. La Dania Beer (www.creania.ch) ha muosau a nus co crear cartas da Pastgas

4 gadas ha la Petra organisau la sera da giugs. Nus essan adina ina pintga gruppa da 5 tochen 6 dunnas. Cun stuschar sin in suentermiezdi empruein nus da atrer dapli partizipaziun.

La radunonza cantunala ei sco igl onn vargau vegnida tenuta a scret.

Il viadi per las commebras dils 3 da settember ha menau nus a Bellinzona e suenter sil Monte Tamaro. Segir ei quei stau il sulet di da plievgia quella stad!

El november era previu in cuors da defensiu. Muort munconza d'annunzias havein desistiu da menar atras quell'occurenza.

Il november e december havein nus organisau cuors da romontsch e da tudestg. Quei cun grond succes per omisdus lungatgs. Aschia che nus continuein egl onn niev cun ils cuors.

Ils 30 da november havein nus zambergiar regals da Nadal cun ils affons dalla scoletta e primara. Igl ei stau in carin suentermiezdi cun ils affons pigns.

La via d'advent ha la Nicole Degonda organisau per nus. Igl ei stau bi suenter in schi liung temps da puspei haver ina via cun tempra da nadal. In cordial engraziament a tuts per las bialas decoraziuns da Nadal ed a Nicole per la grondiusa organizaziun.

Sur ils dis da fiastas havein nus organisau communabel cun la IG-Tujesch in cours da troccas. Quei ei stau la secunda gada che nus havein organisau in tal cuors ed era quel cun grond success. Engraziel a las duas menadras Romana e Sonja

Ulteriuramein havein nus organisau il suadont:

Purtau in regal als nievnaschi.

Purtau fluras allas giubilaras da 80 e 90 onns.

Susteniu in padrinadi da World Vision Svizra per igl affon Bagnaoukou Coulibaly.

Jeannette procura che nossa pagina d'internet www.uddt.clubdesk.ch ei adina actuala. Sin quella anfleis vus tuttas occurenzas e las impurtantas informaziuns da noss'Uniun da dunnas Tujetsch (UDDT).

In grond engraziament per tut las pettas che nus astgein adina puspei dumandar da far.

A tut las dunnas che segidan sin ina moda ni l'autra pil beinstar da noss'uniun in grond engraziament

Engraziar lessel jeu era allas autoritads communalas per il sustegn finanziar.

Per finir lessel jeu era engraziar a mias collegas dalla suprastanza per la buna collaboraziun. Engraziel fetg, fetg.

Cavorgia, ils 19 da favrer 2023

Nicole Solèr

